



Na osnovu člana 70., a u vezi člana 32. stav (1) Zakona o javnim nabavkama („Službeni glasnik Bosne i Hercegovine“ broj 39/14) i člana 8. Poslovnika Centralne izborne komisije Bosne i Hercegovine („Službeni glasnik BiH“ br. 29/18 i 25/20), na preporuku Komisije za javne nabavke od 15.06.2020. godine, Centralna izborna komisija Bosne i Hercegovine je na 30. sjednici održanoj 25.06.2020. godine, d o n i j e l a

O D L U K U **o izboru najpovoljnijeg ponuđača**

- (1) Okvirni sporazum za nabavku usluga- transporta izbornog materijala, dodjeljuje se ponuđaču **„Optimum global logistika - OGL“ d.o.o. Halilovići bb, 71000 Sarajevo.**
- (2) Ponuda ponuđača iz stava (1) ove odluke zadovoljava sve uslove utvrđene u predmetnom otvorenom postupku.
- (3) Ponuđaču iz stava (1) ove odluke, će biti dodjeljen okvirni sporazum na ukupnu vrijednost u iznosu od **87.899,00 KM bez PDV, odnosno 102.841,83 KM sa PDV**, na period do jedne godine.
- (4) Okvirni sporazum će se dodijeliti u skladu sa elementima Ponude, te uslovima i kriterijima utvrđenim u obavještenju o nabavci i Tenderskoj dokumentaciji.
- (5) Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem otvorenog postupka. Obavještenje o nabavci objavljeno je na portalu Javnih nabavki, broj obavještenja: 794-1-2-80-3-5/20 od 23.05.2020. godine. Primitljene su dvije ponude i to: „Optimum global logistika - OGL“ d.o.o. Halilovići bb, 71000 Sarajevo i „Duty-Šped“ d.o.o. Halilovići 12. 71 000 Sarajevo.

Komisija za javnu nabavku je dana 15.06.2020. godine uvidom u Izvještaj o preuzimanju tenderske dokumentacije od strane ponuđača konstatovala da ponuđač „Duty-Šped“ d.o.o. Sarajevo nije preuzeo tendersku dokumentaciju sa Portala javnih nabavki. U skladu sa članom 55. stav (1) tačka d) Zakona o javnim nabavkama i članom 9. stav (4) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“ br. 90/14 i 53/15), kada je tenderska dokumentacija objavljena u sistemu „E-nabavke“, jedini mogući način preuzimanja iste je sa Portala javnih nabavki. Ponuda ponuđača koji nije preuzeo tendersku dokumentaciju na gore navedeni način, u skladu sa gore navedenim propisima ne može biti predmet pregleda i ocjena ponuda.

Komisija za nabavku imenovana Rješenjem broj: 07-2-16-3-368-2/20 od 28.04.2020. godine izvršila je pregled i ocjenu ponude (Zapisnik o pregledu i ocjeni ponuda broj: 07-2-16-3-368-12/20 od 19. .06.2020. godine je u prilogu ove odluke) i utvrdila da je ponuda ponuđača „Optimum global logistika - OGL“ d.o.o. Halilovići bb, 71000 Sarajevo prihvatljiva, budući da je u skladu sa zahtjevima iz predmetne tenderske dokumentacije.

Komisija je uputila preporuku Centralnoj izbornoj komisiji BiH za izbor ponuđača i dodjelu okvirnog sporazuma na iznos od 87.899,00 KM bez PDV, odnosno 102.841,83 KM sa PDV.


U predmetnom postupku predviđena je e-aukcija. Obzirom da je primitljiva samo jedna prihvatljiva ponuda nije bilo moguće provesti e-aukciju, a u skladu sa članom 3. stav (3) Pravilnika o uslovima i načinu korištenja e- aukcije („Službeni glasnik BiH“, broj 66/16).

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove odluke.

Broj: 07-2-16-3-368-13/20
Sarajevo, 25.06.2020. godine


Predsjednica
Vanja Bjelica- Prutina

Dostavljeno:

1. Ponuđačima
2. Odsjeku za materijalno finansijske poslove
3. web stranicu CIK BiH
3. a/a